

2 YOHANES

Yohanes Ovoli Oyade

^I Ovoli kīi to yī, asoli loto onyane a sekē. Ntsele ye mamena boe Ōma a kī Baguma pau, mo ye babi a kī mawe kale ne onokwali kame a. Nné yī odi awe mi kale mbom bati a kī binyina onokwali a flee leme,

^{II} kitonekī onokwali a deī ne boe kame ade yaana ne boe kame daa a.

^{III} Baguma boe Ōlega mo Yesu Kristo, kī enye Ōlega a Obi a bemo boe konya, bekena boe seme kale, bekpa boe lukudo leme ne onokwali mo odo kame.

Midzi Ne Onokwali Mo Odo Kame.

^{IV} Kawole de yī paa kī mmó no babi badi kī bidzi nkpā ne onokwali a kame, nde ayekī Ōlega a we etomena boe sekē a.

^V Ne foesū, boe Ōma, ntsele ovoli kīi makpa mi kī bowe akū akū kale. Nné mbla voē yane ntsele mama mi, mbom mbla a kī bote kito ane kayokayi a yane.

^{VI} Odo a kī ye akū foletsa male a nye kī kene kī boakena ne Baguma mbla a akū. Mbla a kī ye mi flee minu kito ane kayokayi a nye kī mi flee midzi ne odo kame.

^{VII} Bati bakene pii gba betsē ne katinya kame, bati kī baále kī Yesu Kristo ya ne katinya kame nde otidziwa aye. Oti a na odu nye bati okene mo Kristo okesīne.

VIII Foesũ midã kadã wĩ kĩ miláayela letsa a kĩ mipili mina a, mbom kĩ míana mi kotokase lodo.

IX Odi nye odi kĩ etápi Kristo fotsa katsa edomɔ akũ mɔ etsa fotsa bebã ni, Baguma leláa ye kame. Leme odi nye odi kĩ epi foe edomɔ akũ ni, ɔlega mɔ Obi a flee deĩ ne ye kame.

X Ne foesũ nte odi ya ne mi sekẽ mɔ etákɔa fotsa katsa kĩĩ eyamena ni, mitate ye ne mi tɔtɔ kame. Mitatuno ye kawõna titau malo,

XI kitonekĩ odi nye odi kĩ etuno ye kawõna a, na tsefã ne ye tokpa a kĩ ekena a kame.

Yohanes Fɔletsã Nkaɛ.

XII Ndeĩ fɔletsã pii kufe kĩ maatsɛle mma mi, lɛme ntáwe kĩ mate foe ne ovoli akũ. Ne foe kadokõ ni, madã anɛ kĩ yĩ mɔawe maaya ne mi sekẽ, bɔlɔmena anɛ mɔ anɛ, ayekĩ boe flee kawɔlekamɔ a aakpɔla.

XIII Awaɛtsole a kĩ Baguma pau a babi awõna mi.

Baguma Apam Vɔɛ a Tuwuli
Tuwuli: Baguma Apam Vɔɛ a Tuwuli New Testament
copyright © 2008 Wycliffe Bible Translators, Inc.

Language: (Tuwuli)

Contributor: Wycliffe Bible Translators, Inc.

All rights reserved.

2020-12-01

PDF generated using Haiola and XeLaTeX on 28 Dec 2024 from source
files dated 29 Jan 2022

68df0193-2981-5275-8994-8f743fe01e5e